

Publicaziuns officialas dils 14 d'uost 2026

Vischnaunca Trun

Damondas da baghegiar

Datum da publicaziun: 14-08-2026
Petent: Lotar Tomaschett, Via Carmanera 5, 7166 Trun
Object: Construcziun dad in schurmetg da vesta sin parcella 1926/1931 a Campliun
Zona: Zona d'adattaziun al vitg

Datum da publicaziun: 14-08-2026
Petent: Philipp e Sabrina Tuor, Gassa 19, 7166 Trun
Representanza: Sossai SA, Via Campliun 6, 7166 Trun
Object: Midada da scaldament (niev: pumpa termica d'aria ed aua) sin parcella 816 a Darvella
Zona: Zona dil vitg

Datum da publicaziun: 14-08-2026
Petent: Silvio Decurtins, Via Clius 4, 7166 Trun
Representanza: Luis & Pedro Gips GmbH, Via Principala 4, 7166 Trun
Object: Construcziun dad in tetg per schurmegiar la pumpa da calira sin parcella 1621 a Trun
Zona: Zona da habitar H2

Datum da publicaziun: 14-08-2026
Petent: Michael Gass, Rebgasse 37, 4058 Basel
Object: Installaziun dad ina sauna el clavau sin parcella 263 a Zignau
Zona: Zona dil vitg

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Elecziun dalla suprastanza communal

Perioda d'uffeci 2027-2029

La elecziun ha liug dumengia, ils 27 da settember 2026

Abdicau ha:

Arpagaus Lucas, gerau

Sebasond sin artechel 17 da nossa lescha davart votaziuns ed elecziuns valan tuts officials che han buca abdicau sco proponi, numnadamein:

Dumeni Tomaschett, president communal

Kurt Wolf, gerau

Martino Della Valle, gerau

Silvana Menzli, geraua

Propostas per la suprastanza communal ein d'inoltrar entochen ils 27 d'uost 2026 (Art. 19 lescha davart votaziuns ed elecziuns).

Tenor art. 19 dalla lescha davart votaziuns ed elecziuns san gruppas da silmeins 5 votants proponer candidats per la suprastanza. Talas propostas ein da far en scret e d'inoltrar all'administraziun communal.

Ina proposta astga buca cuntener dapli candidats ch'il diember da posts libers. Las candidatas ed ils candidats ston mintgamai vegnir indicai cun num e prenum, onn da naschientscha, liug e professiun.

Administraziun communal Trun

Sessiun dil cussegl da vischnaunca

gliendisdis, ils 24-08-2026 allas 19.30 uras ell'aula dalla casa da scola

Tractandas:

1. Approbaziun dil protocol dalla sessiun dils 04-05 2026
2. Revisiun parziala dil reglament per far diever dallas vias d'uaul cun vehichels a motor
3. Revisiun parziala dil reglament da schulda e castitgs dil corp da pumpiers Sumvitg-Trun
4. Damonda da credit per sustegn d'abonnements da sport
5. Pusseivladad da tschentar damondas

Administraziun communal Trun

Sera da film sut tschiel aviert a Schlans

cun asterix ed obelix ell'america, per romontsch. Ils 15 d'uost 2026, tier la hetta da nuorsas cun grillada naven dallas 19:30 uras ed il film naven dallas 21:00 uras.

Uniun da giuventetgna Schlans

Uniun Trun Cultura

Dils 28–30 d’uost ha liug il Festival DAPERTUT cun cantadurAs, giugadurAs, artists e comediants da num e pum. Da tedlar e veser ein Alexi e Marcus, Mattiu, Las buobas Scherrer, Corin Curschellas, David Flepp ed ulterius enconuschents acturs ed acturas. Bigliets ein da comprar sut Festival da tribunas DAPERTUT.

SPAZI d’art Matias SPESCHA

Spescha & Spescha–Energy Fields cun bab Matias e feglia Venice
15 d’uost allas 14:15–15:15 guid tras l’exposiziun cun Esther Spycher

CASA CARIGIET

Zarli Carigiet – davon e davos las culissas 22 d’uost 14_15–15:30 guid tras l’exposiziun en cumbinaziun cun investa ell’architettura.

Museum Sursilvan Cuort Ligia Grischa

Sera da film, 16-08, 17:00 (Sala da cultura en casa da scola)

Nus mussein zacontas uettas filmicas da Giusep Decurtins-Deplazes e discurren cuagl anteriur schef dalla Televisiun Rumantscha surda ses films. Atras l’occorrenza meinan Gieri Venzin e Simon Bundi. En collaboraziun culla cumissiun per fatgs da cultura vischnaunca Trun. Entrada libra cuncollecta.

Venderdis sera dallas 19:30-21:30 Aunc questa sera ei il museum aviarts e nossa ustria en curtinera.

Guida publica cun Beat Manetsch

Dumengia, ils 23-08, 14:15 ha liug ina guida publica cun igl artist Beat Manetsch tras sia exposiziun d’art «... dils davos onn». La guida ei cumprida el prezi d’entrada.

Cordialmein envida il team dil museum